

**Վիճակագրական արտադրանք – Օտարերկրյա ներդրումների վիճակագրություն /Օտարերկրյա ներդրումներ (եռամսյակային)**

Գործընթացներ	Ենթագործընթացներ	Ենթագործընթացի նկարագրություն
<p><i>Կարիքների ձևակերպում</i></p>		
	<p><b>1.1 Կարիքների բացահայտում</b></p>	<p>Տեղեկատվությունը անհրաժեշտ է օտարերկրյա ներդրումների վերաբերյալ ամփոփ տվյալներ ստանալու և այն ՀՀ վճարային հաշվեկշռի կազմման աշխատանքներում օգտագործելու համար, ինչպես նաև օգտագործողներին տրամադրելու անհրաժեշտ տեղեկատվություն օտարերկրյա ներդրումների վերաբերյալ ըստ երկրների, ըստ տնտեսական գործունեության տեսակների:</p> <p>Օտարերկրյա ներդրումների ցուցանիշներն ըստ անհրաժեշտության տրամադրվում են վիճակագրական տեղեկատվության օգտագործողներին՝ ՀՀ պետական և տեղական ինքնակառավարման մարմիններին, գիտական, կրթական հաստատություններին, միջազգային կազմակերպություններին և դրա նկատմամբ պահանջարկ ունեցող այլ սուբյեկտներին՝ պահպանելով դրանց գաղտնիությանը վերագրվող օրենսդրական պահանջները: Օտարերկրյա ներդրումների վերաբերյալ տեղեկատվությունը կիրառվում է տնտեսության բնագավառում ռազմավարությունների մշակման, մարտավարական խնդիրների լուծման, տնտեսության ճյուղերում օտարերկրյա ներդրումների վերլուծության, բիզնես միջավայրի վերլուծության, սոցիալական զարգացման միտումների բացահայտման և այլ նպատակներով:</p>
	<p><b>1.2 Խորհրդակցում և կարիքների հաստատում</b></p>	<p>Տեղեկատվության նկատմամբ օգտագործողների պահանջարկն ուսումնասիրելու նպատակով տարեկան վիճակագրական ծրագրի նախագիծն կարծիքի է ներկայացվում ընտրանքային կարգով ընտրված 147 հիմնական վիճակագրական տեղեկատվության</p>

		<p>օգտագործողների (պետական մարմիններ, գիտակրթական հաստատություններ, դատախարավական մարմիններ, բանկային համակարգ, գործարար շրջաններ, հասարակական և միջազգային կազմակերպություններ և զանգվածային լրատվամիջոցներ): Վիճակագրական ցուցանիշների վերաբերյալ տեղեկատվության օգտագործողների կարծիքների ուսումնասիրությունն իրականացվում է ինչպես նրանց հետ աշխատանքային քննարկումների անցկացման, այնպես էլ Արմատատի պաշտոնական կայքում առկա «Օգտագործողների բավարարվածության հետազոտության հարցաթերթի» միջոցով (տես՝ <a href="https://www.armstat.am/am/?nid=131">https://www.armstat.am/am/?nid=131</a> հղումը):</p>
	<p><b>1.3 Արտադրանքի նպատակների սահմանում</b></p>	<p>Հայաստանի Հանրապետության տարածքում պաշտոնական վիճակագրության իրագործման հիմքը վիճակագրական ծրագիրն է: Պաշտոնական վիճակագրական գործունեության ուղղությունները սահմանելու համար մշակվում է Հնգամյա Ծրագիր, իսկ այդ ուղղությունների իրագործումն ապահովող միջոցառումների որոշման համար՝ Տարեկան Ծրագիր: Ծրագիրը սահմանում է Հայաստանի Հանրապետության վիճակագրական կոմիտեի, ինչպես նաև մյուս պետական մարմինների՝ Հայաստանի Հանրապետության վիճակագրական կոմիտեի կողմից ընդհանուր համակարգման միջոցով իրականացվող պաշտոնական վիճակագրական դիտարկումներում ընդգրկված ցուցանիշների (և դրանց հավաքման, մշակման, ամփոփման, հրապարակման աշխատանքների) ցանկը, ինչպես նաև դրանց հաշվարկման կատարելագործմանն ուղղված աշխատանքները:</p> <p>Հնգամյա և Տարեկան ծրագրերով նախատեսված գործունեության ուղղություններն ու միջոցառումները հաշվի են առնում երկրի ցուցանիշների համադրելիությունը միջազգային վիճակագրական չափանիշներին, երկարաժամկետ միջակայքում միտումները բացահայտելու տեսանկյունով ապահովում են դրանց հնարավոր կայուն պարբերականությունը և տարեկան կտրվածքով պաշտոնական վիճակագրությանը հատկացվող ռեսուրսների հետ համաչափությունը:</p>

		<p>Ծրագիրը մշակվում է վիճակագրական տեղեկատվության օգտագործողների պահանջարկի ուսումնասիրության հիման վրա, որի արդյունքում ամփոփվում են վերջիններիս կողմից ներկայացվող առաջարկություններն ու դիտողությունները:</p> <p>Պարբերաբար իրականացվում է Արմստատի կողմից վարվող օտարերկրյա ներդրումների տեղեկատվական բազայի զարգացման նպատակների սահմանում՝ ուղղված դրանք միջազգային չափորոշիչներին համապատասխանեցնելու գործառույթներին:</p>
	<p><b>1.4</b> <b>Հասկացությունների որոշում</b></p>	<p><b><u>Օտարերկրյա ներդրում</u></b> – Գույքի ցանկացած տեսակ, այդ թվում՝ ֆինանսական միջոցներ և մտավոր արժեքներ, որն օտարերկրյա ներդրողի կողմից անմիջականորեն ներդրվում է Հայաստանի Հանրապետության տարածքում իրականացվող ձեռնարկատիրական կամ այլ գործունեության ոլորտում՝ շահույթի/եկամտի ստացման կամ այլ օգտակար արդյունքի հասնելու նպատակով: Օտարերկրյա ներդրումներն ըստ տեսակի լինում են՝</p> <p><b>ուղղակի</b></p> <p><b>պորտֆելային</b></p> <p><b>այլ ներդրումներ</b></p> <p><b>Ուղղակի ներդրում</b> կատարվում է օտարերկրյա ներդրողների կողմից, որոնք ձգտում են ձեռք բերել ուղղակի ներդրումով կազմակերպության գործունեության վրա կայուն, տևական ազդեցություն: Ուղղակի ներդրող է համարվում ոչ ռեզիդենտ միավորը, նրա հետ կապված կամ համագործակցող ոչ ռեզիդենտ կազմակերպությունը, որին պատկանում է տվյալ երկրի ռեզիդենտ միավորի բաժնետիրական կապիտալի ոչ պակաս, քան 10% -ը; Ուղղակի ներդրումները լինում են</p> <p><b>Բաժնետիրական</b></p> <p><b>Վերաներդրված շահույթի</b></p> <p><b>Այլ կապիտալի տեսքով</b></p> <p>Բաժնետիրական կապիտալը ներառում է կազմակերպության սեփական կապիտալը:</p> <p>Վերաներդրված շահույթը/եկամուտը՝ օտարերկրյա ներդրողի կողմից կապիտալի մասնակցությունից ստացված շահույթի չբաշխված մասն է, որը վերաներդրվում է օտարերկրյա ներդրումով կազմակերպությունում:</p> <p>Այլ կապիտալը ներառում է բոլոր տեսակի</p>

գործառնությունները ուղղակի ներդրողի և մասնաճյուղերի, դուստր ընկերությունների միջև՝ վարկի ստացման և տրամադրման տեսքով:

**Պորտֆելային ներդրում.** Օտարերկրյա ներդրողների այն կապիտալ ներդրումներն են, որոնք թույլ են տալիս օտարերկրյա ներդրումով կազմակերպությունում ունենալ սահմանափակ ազդեցություն և ստանալ որոշակի շահույթ, որը կարգավորվում է կողմերի միջև կնքվող պայմանագրով: Պորտֆելային ներդրումները լինում են կապիտալի մասնակցության արժեթղթերի և պարտքի արժեթղթերի տեսքով:

**Այլ ներդրումը** ներառում է բոլոր տեսակի ֆինանսական գործառնությունները, որոնք չեն ընդգրկվել ուղղակի և պորտֆելային ներդրումներում: Այլ ներդրումները լինում են առևտրային վարկերի, վարկերի, կանխիկ դրամական միջոցների, ավանդների և այլ ակտիվների/ պարտավորությունների տեսքով:

Առևտրային վարկերը ներառում են պահանջներ և պարտավորություններ, որոնք առաջ են եկել մատակարարների կողմից ապրանքների և ծառայությունների ուղղակի տրամադրման կամ ապրանքների և ծառայությունների համար գնորդի կողմից կանխավճարի դեպքում:

Վարկերը այն ֆինանսական ակտիվներն են, որոնք վարկատուն տրամադրում է վարկառուին համաձայնագրի միջոցով: Այս խմբում ընդգրկվում են վարկերը, հիպոթեքային վարկերը, փոխառությունները, ինչպես նաև ֆինանսական վարձակալության /լիզինգի/ վերաբերյալ համաձայնագրերը:

Կանխիկ դրամական միջոցները և ավանդները ներառում են շրջանառությունում գտնվող թղթադրամները և մետաղադրամները, ինչպես նաև իրացվելի/լիկվիդային/ և այլ ավանդները:

Այլ ակտիվները/պարտավորությունները ընդկրկում են ժամկետանց պարտքերը և դեբիտորական/կրեդիտորական պարտքերը կապված հարկերի, հայտարարված և դեռևս չվճարված շահութաբաժինների, արժեթղթերի գնման և վաճառքի, ինչպես նաև աշխատողների աշխատանքի վարձատրության հետ:

Հայաստանի Հանրապետության օրենսդրությանը համապատասխան ստեղծված կազմակերպությունը, որի բաժնետիրական կապիտալում ոչ ռեզիդենտն ունի մասնակցություն, համարվում է **օտարերկրյա ներդրումով կազմակերպություն:**

		<p><b>ՀՀ ռեզիդենտ</b> է համարվում ֆիզիկական անձը, տնային տնտեսությունը, ցանկացած կազմակերպությունը, որի մշտական գտնվելու վայրը կամ տնտեսական շահերի կենտրոնը հանդիսանում է Հայաստանի Հանրապետությունը:</p> <p><b>Աշխարհագրական ընդգրկումություն</b> Հնդգրկում է Հայաստանի Հանրապետության բոլոր մարզերը և Երևան քաղաքը:</p>
	<p><b>1.5 Տվյալների առկայության ստուգում</b></p>	<p>Տեղեկատվության հավաքման հիմնական աղբյուր են հանդիսանում օտարերկրյա ներդրումներ ունեցող և արտերկրում ներդրում իրականացնող կազմակերպությունները, ինչպես նաև ՀՀ կենտրոնական բանկից ստացված օտարերկրյա ներդրումների որոշ ցուցանիշների վերաբերյալ ամփոփ տվյալները:</p> <p>Տվյալների հավաքումն իրականացվում է վիճակագրական հաշվետվական ձևի միջոցով՝ համապատասխան տարեկան ու հնգամյա վիճակագրական ծրագրերի:</p>
	<p><b>1.6 Բիզնես մոդելի նախապատրաստում</b></p>	<p>Մինչ վիճակագրական հաշվետվական ձևի ընդունումը ՀՀ ՎՊԽ կողմից և ՀՀ արդարադատության նախարարության կողմից դրա պետական գրանցումը, որպես նորմատիվ իրավական ակտ, իրականացվում է դրանում ներառված ցուցանիշների և դրանց վերաբերյալ լրացման հրահանգի մասով աշխատանքային քննարկումներ տարբեր շահագրգիռ մարմինների, գիտական կազմակերպությունների, օգտագործողների հետ, ինչպես նաև հաշվի է առնվում միջազգային փորձագետների կարծիքը:</p>
<p><b>Նախագծում</b></p>		
	<p><b>2.1 Արդյունքների նախագծում</b></p>	<p>Տվյալները հավաքվում են «Պաշտոնական վիճակագրության մասին» օրենքի և «Հնգամյա վիճակագրական ծրագրի» հիման վրա, ինչպես նաև ՀՀ վիճակագրության պետական խորհրդի 2016թ. հունիսի 20-ի «Վիճակագրական տվյալների հավաքման կարգը հաստատելու մասին» թիվ 05-Ն և «Տարեկան վիճակագրական ծրագիրը հաստատելու մասին» որոշումների հիման վրա, ինչպես նաև ՀՀ վիճակագրության պետական խորհրդի 2013թ. օգոստոսի 7-ի «Հաշվետվություն օտարերկրյա ներդրումների մասին» վիճակագրական հաշվետվական ձևը և դրա լրացման հրահանգը հաստատելու մասին թիվ 07-Ն որոշման հիման վրա:</p> <p>Տեղեկատվության տարածումը (վիճակագրական տեղեկագրեր) իրականացվում է ինչպես թղթային,</p>

		այնպես էլ էլեկտրոնային տարբերակներով:
	<b>2.2 Փոփոխականների նկարագրությունների նախագծում</b>	Ցուցանիշների հավաքման նպատակով կիրառվում է Տնտեսական գործունեության տեսակների դասակարգչի 2-րդ խմբագրությունը (ՀՀ էկոնոմիկայի նախարարի N 1579-Ն 10.12.2019թ. հրաման ՀՀ ԳՏ 04.11.2013թ. 30/ (474).1 ) (տես՝ <a href="https://www.armstat.am/am/?nid=370">https://www.armstat.am/am/?nid=370</a> հղումը):
	<b>2.3 Տվյալների հավաքման նախագծում</b>	Վիճակագրական տեղեկատվության հավաքման հիմնական ձևը թղթայինն է՝ ՀՀ վիճակագրության պետական խորհրդի կողմից հաստատված վիճակագրական հաշվետվական ձևի միջոցով՝ համաձայն տարեկան վիճակագրական ծրագրի: Կիրառվում է նաև տեղեկատվության հավաքման էլեկտրոնային եղանակ: Տեղեկատվության հավաքումն իրականացվում է համատարած դիտարկման եղանակով:
	<b>2.4 Գլխավոր համակցության և ընտրանքի նախագծում</b>	Գլխավոր համակցության նախագծումն իրականացվում է ոլորտի վերաբերյալ ամբողջական տեղեկատվության ապահովման նպատակով: Այդ նպատակով իրականացվում է նախապես հայտնի օտարերկրյա ներդրումների մասնակցությամբ կազմակերպությունների գործունեության փաստի վերաբերյալ տեղեկատվության ստացում՝ բոլոր հնարավոր աղբյուրներից, որին անմիջապես հետևում է այդ կազմակերպությունների իրազեկումը վիճակագրական դիտարկման դաշտ ընդգրկվելու վերաբերյալ, ապա համապատասխան վիճակագրական տեղեկատվության հավաքումը:
	<b>2.5 Մշակման և վերլուծության նախագծում</b>	Տեղեկատվության հավաքումից հետո վիճակագրական ցուցանիշները ենթարկվում են թվաբանական և տրամաբանական ստուգումների, որոնց հիման վրա, իսկ անհրաժեշտության դեպքում նաև տեղեկատվություն ներկայացնող համապատասխան կազմակերպությունների հետ կապ հաստատելու միջոցով, իրականացվում են համապատասխան ճշգրտումներ: Ցուցանիշների վերաբերյալ ոչ արժանահավատ, թերի կամ աղավաղումներով տեղեկատվության ներկայացման դեպքում համաձայն ՀՀ «Վարչական իրավախախտումների վերաբերյալ ՀՀ օրենսգրքի» 169.2 հոդվածի պահանջների ըստ անհրաժեշտության իրականացվում է նաև ստուգման գործընթաց, որի արդյունքում ճշգրտման են ենթարկվում ցուցանիշների վերաբերյալ նախորդող ժամանակաշրջանի տվյալները:

	<b>2.6 Արտադրության համակարգերի և գործընթացի նախագծում</b>	<p>Տեղեկատվության հավաքումից մինչև դրա հրապարակումը իրականացվող բոլոր գործընթացների մասով կատարվում են նախապատրաստական աշխատանքներ, մասնավորապես կապված ռեսպոնդենտներին համապատասխան իրազեկումներով ապահովելու, աշխատակիցներին անհրաժեշտ մասնագիտական դասընթացների միջոցով վերապատրաստելու և այլնի հետ:</p>
<p>Կառուցում</p>		
	<b>3.1 Հավաքման գործիքի կառուցում</b>	<p>Տեղեկատվության հավաքման իրականացման և դրա համար անհրաժեշտ վիճակագրական հաշվետվական ձևը և դրա լրացման հրահանգը առկա են ինչպես թղթային, այնպես էլ էլեկտրոնային տեսքով:</p>
	<b>3.2 Գործընթացի բաղադրիչների կառուցում կամ ամրապնդում</b>	<p>Առկա են տեղեկատվության ստուգաճշտման համար անհրաժեշտ մեթոդական ցուցումներ ու հրահանգներ: Մուտքագրման ծրագրային փաթեթում (Microsoft Office Access) առկա է մուտքագրված տվյալների թվաբանական ու տրամաբանական ստուգումների իրականացման համար անհրաժեշտ գործիքներ՝ հանրագումարների, տրամաբանական կապերի, կազմակերպությունների գրանցման, նույնականացման, պետական ռեգիստրի համապատասխանության և այլ ավտոմատ ստուգումների համակարգեր:</p>
	<b>3.3 Տարածման բաղադրիչների կառուցում կամ ամրապնդում</b>	<p>Տեղեկատվության տարածման համար առկա են ինչպես թղթային, այնպես էլ էլեկտրոնային տարբերակներով տեղեկատվության հրապարակման հնարավորություններ՝ եռամսյակային և տարեկան պարբերականությամբ՝ համաձայն տարեկան վիճակագրական ծրագրի:</p>
	<b>3.4 Գործընթացների կարգավորում</b>	<p>Վիճակագրական արտադրանքի ստացումը իրականացվում է իրար հաջորդող հետևյալ փուլերով՝</p> <ol style="list-style-type: none"> <li>1. տեղեկատվության ստացում</li> <li>2. թվաբանական և տրամաբանական ստուգումներ ու ճշգրտումներ</li> <li>3. տեղեկատվության մուտքագրում նախապես մշակված համակարգչային մուտքագրման ծրագրի միջոցով (Microsoft Office Access ծրագրային փաթեթ),</li> <li>4. ստացված ամփոփ տեղեկատվության համեմատում համապատասխան դինամիկ շարքերի հետ</li> <li>5. տեղեկատվության կիրառում ներքին նպատակների համար</li> <li>6. հրապարակումների պատրաստում</li> <li>7. ամփոփ տեղեկատվության տրամադրում</li> </ol>

		վիճակագրական տեղեկատվության օգտագործողների
	<b>3.5 Արտադրության համակարգի փորձարկում</b>	Պայմանավորված վիճակագրական հաշվետվական ձևում ցուցանիշների փոփոխությունների հետ մուտքագրման ծրագրային փաթեթը պարբերաբար ենթարկվում է համապատասխան փոփոխությունների: Ըստ անհրաժեշտության իրականացվում է նաև ծրագրային փաթեթների թեստավորում:
	<b>3.6 Վիճակագրական բիզնես գործընթացի փորձարկում</b>	Ցուցանիշի վիճակագրական հաշվետվական ձևում ընդգրկմանը զուգահեռ իրականացվում է վերջինիս դաշտային փորձաքննություն՝ պարզելու ռեսպոնդենտների կողմից ցուցանիշի տրամադրման հնարավորությունները, ինչպես նաև փորձարկելու դրան կատմամբ նրանց ընկալումը:
	<b>3.7 Արտադրության համակարգի վերջնականացում</b>	Իրականացվում են վիճակագրական հաշվետվական ձևում առկա ցուցանիշների լրացման վերաբերյալ մեթոդաբանական պարզաբանումների կազմում և տրամադրում վիճակագրական տեղեկատվություն տրամադրողներին (ռեսպոնդենտներին): Ամփոփվում են տեղեկատվություն ներկայացնողների հետ ցուցանիշների վերաբերյալ աշխատանքային քննարկումների արդյունքում ձեռք բերված համաձայնությունները:
Հավաքում		
	<b>4.1 Գլխավոր համակցության և ընտրանքի ձևավորում</b>	Տեղեկատվությունը հավաքվում է կազմակերպություններից համատարած, ինչն ապահովում է ճշգրտության բարձր աստիճան: Վերջիններս տեղեկատվությունը ներկայացնում են եռամսյակային պարբերականությամբ:
	<b>4.2 Հավաքման կազմակերպում</b>	Վիճակագրական տեղեկատվության հավաքման կազմակերպման համար իրականացվում է դիտարկման ենթակա նախապես հայտնի կազմակերպությունների քանակին համապատասխան վիճակագրական հաշվետվական ձևի և ըստ անհրաժեշտության դրա լրացման հրահանգի տպագրության պատվերի ձևաորում, դրանց տպագրություն և բաշխում համապատասխան կազմակերպություններին: Միաժամանակ վիճակագրական հաշվետվական ձևն ու դրա լրացման հրահանգը հասանելի են նաև Արմատատի պաշտոնական կայքում: Առկա են էլեկտրոնային եղանակով հաշվետվության հավաքման համար անհրաժեշտ ցանցային միջոցներ: Կառուցվածքային և տարածքային ստորաբաժանումների պատասխանատու աշխատակիցները ունեն համապատասխան գիտելիքներ և հմտություններ վիճակագրական



		տեղեկատվության հավաքման գործընթացի կազմակերպման համար:
	<b>4.3 Հավաքման իրականացում</b>	Վիճակագրական տեղեկատվության հավաքումն իրականացվում է ինչպես Արմատատի տարածքային ստորաբաժանումների, մարզային վարչությունների, այնպես էլ Արմատատի կենտրոնական ապարատի համապատասխան կառուցվածքային ստորաբաժանման միջոցով՝ առձեռն, փոստի և էլեկտրոնային համակարգի միջոցներով համաձայն 20.06.2016թ. ՀՀ ՎՊԽ «Վիճակագրական տվյալների հավաքման կարգը հաստատելու մասին» թիվ 05-Ն որոշման:
	<b>4.4 Հավաքման վերջնականացում</b>	Հավաքված տեղեկատվությունը թվաբանական և տրամաբանական ստուգաճշտման ենթարկվելուց հետո մուտքագրվում է էլեկտրոնային միջավայր: Տեղեկատվության մուտքագրումը իրականացվում է ինչպես մեխանիկական, այնպես էլ տեղեկատվությունը էլեկտրոնային միջավայր անմիջապես ներածելու եղանակով:
Մշակում		
	<b>5.1 Տվյալների ինտեգրում</b>	Օտարերկրյա ներդրումներ ունեցող և արտերկրում ներդրում իրականացնող կազմակերպություններից վիճակագրական հաշվետվական ձևերով ստացված տեղեկատվությունը միավորվում է վարչական աղբյուրներից ստացվածին՝ հանրագումարի բերելով իրական հատվածում կատարված օտարերկրյա ներդրումների վերաբերյալ ամբողջական տեղեկատվությունը:
	<b>5.2 Դասակարգում և կոդավորում</b>	Իրականացվում է ըստ կազմակերպության գործունեության հիմնական տեսակի կոդավորման աշխատանքներ համաձայն Տնտեսական գործունեության տեսակների դասակարգիչի (NACE, rev 2):
	<b>5.3 Վերանայում և հաստատում</b>	Կատարվում է ելքային տարբեր աղյուսակներում ստացված ցուցանիշների, ամբողջականության և տրամաբանական կապերի ճշգրտության ստուգումներ:
	<b>5.4 Խմբագրում և իմպուտացիա</b>	Օտարերկրյա ներդրումների վերաբերյալ տվյալները մշակման փուլում ենթարկվում են նաև որոշ բացակայող տեղեկատվության համալրման:
	<b>5.5 Նոր փոփոխականների և միավորների ձևավորում</b>	-
	<b>5.6 Կշիռների հաշվարկում</b>	-
	<b>5.7 Ագրեգատների</b>	Մուտքագրված տեղեկատվության հիման վրա

	<b>հաշվարկում</b>	իրականացվում է ամփոփ տվյալների ստացում ըստ առանձին վիճակագրական ցուցանիշների՝ նախապես մշակված համակարգչային ծրագրի միջոցով:
	<b>5.8 Տվյալների ֆայլերի վերջնականացում</b>	Հաճախ, ելնելով օպերատիվ վիճակագրական տվյալների ստացման անհրաժեշտությունից, նախնական տեղեկատվության հիման վրա կատարվում է նախնական ցուցանիշների հաշվարկ, որոնք հետագայում ենթակա են ճշգրտման:
<b>Վերլուծություն</b>		
	<b>6.1 Նախնական արդյունքների նախապատրաստում</b>	Ստացված ամփոփ տեղեկատվության հիման վրա իրականացվում է վիճակագրական ցուցանիշների խմբավորումների, դինամիկ շարքերի կառուցում:
	<b>6.2 Արդյունքների վավերացում</b>	Ցուցանիշների ստացման ողջ ընթացքում խստորեն պահպանվում են դրանց ստացման մեթոդաբանական պահանջները՝ համաձայն նախապես սահմանված դասակարգումների, մեթոդաբանական ուղեցույցերի և համապատասխան միջազգային հանձնարարականների:
	<b>6.3 Արդյունքների մեկնաբանում և բացատրում</b>	Ամփոփ ցուցանիշների ստացումից հետո իրականացվում է դրանց տրամաբանական վերլուծում՝ օգտագործելով նախորդ տարիների վերաբերյալ համապատասխան ցուցանիշների դինամիկան:
	<b>6.4 Բացահայտման հսկողության կիրառում</b>	Խստորեն պահպանվում են ինչպես հրապարակման ենթակա, այնպես էլ վիճակագրական տեղեկատվություն օգտագործողների կողմից հայցվող վիճակագրական ցուցանիշների գաղտնիությունը, այն է դրանց զերծ լինելը անհատական (անվանական) տեղեկություններից, համաձայն «Պաշտոնական վիճակագրության մասին օրենքի» և 2001 թվականի հունիսի 25-ի «Վիճակագրական գաղտնիքի պահպանման կարգը հաստատելու մասին» ՀՀ ՎՊԽ N 53 որոշման (տես՝ <a href="http://www.armstat.am/file/doc/99454478.pdf">http://www.armstat.am/file/doc/99454478.pdf</a> հղումը):
	<b>6.5 Արդյունքների վերջնականացում</b>	-
<b>Տարածում</b>		
	<b>7.1 Ելքային համակարգերի արդիականացում</b>	Իրականացվում են հրապարակման ենթակա վիճակագրական ցուցանիշների վերաբերյալ համապատասխան աղյուսակների պատրաստում և վերջնական ճշգրտման աշխատանքներ, ինչպես նաև կատարվում է դինամիկ շարքերի արդիականացում: Անհրաժեշտության դեպքում նաև փոփոխություններ և/կամ լրացումներ են կատարվում համապատասխան

		ցուցանիշի հասկացություններում և մեթոդաբանական պարզաբանումներում:
	<b>7.2 Տարածման արտադրանքների արտադրում</b>	<p>Տարածվող արտադրանքների համար իրականացվում են արտադրման բոլոր քայլերը՝ բացատրական տեքստի, աղյուսակների, գծապատկերների, քարտեզների և այլ նյութերի նախապատրաստում, այդ արտադրանքների խմբագրում և դրանց համապատասխանեցում հրապարակման ստանդարտներին:</p> <p>Վիճակագրական ցուցանիշների վերաբերյալ տեղեկատվությունը՝ հայերեն, անգլերեն և ռուսերեն լեզուներով հրապարակվում է ներքոհիշյալ տարեգրքերի և տեղեկատվական ամսական գեկույցներում, ինչպես նաև Արմստատի պաշտոնական կայքի «Տվյալների բազաներ» հատվածում.</p> <ol style="list-style-type: none"> <li>1. Հայաստանի վիճակագրական տարեգիրք (տարեկան)</li> <li>2. Հայաստանի Հանրապետության սոցիալ-տնտեսական վիճակը (եռամսյակային)</li> </ol>
	<b>7.3 Տարածման արտադրանքների թողարկման կառավարում</b>	Վիճակագրական տեղեկատվություն ներկայացնողների կողմից ցուցանիշների վերաբերյալ տեղեկատվության փոփոխման կամ ճշգրտումների կատարման դեպքում համապատասխան փոփոխությունների և ճշգրտումների են ենթարկվում արդեն մուտքագրված տվյալների բազայում արտացոլված ցուցանիշները:
	<b>7.4 Տարածման արտադրանքների խթանում</b>	Արմստատի պաշտոնական կայքում ներկայացված տարատեսակ տեղեկատվությունը (ցուցանիշներ, մեթատվյալներ, իրազեկումներ, ոլորտի վերաբերյալ նորություններ, տվյալների բազաներ և այլն) ոչ միայն միջոց է վիճակագրական, այլ նաև՝ Արմստատի գործունեության վերաբերյալ տեղեկատվության տարածմանը, ինչը խթանում է ոլորտի գործունեության արդյունավետության բարձրացմանը:
	<b>7.5 Օգտագործողների աջակցության կառավարում</b>	Վիճակագրական տեղեկատվություն օգտագործողների կողմից տեղեկատվության պաշտոնական հայցման դեպքում, հնարավորության սահմաններում, իրականացվում է տեղեկատվության տրամադրում՝ միաժամանակ պահպանելով վիճակագրական տեղեկատվության նկատմամբ գաղտնիության սկզբունքը:
<b>Գնահատում</b>		
	<b>8.1 Գնահատման միջոցների հավաքում</b>	Իրականացվում է վարչական աղբյուրներից՝ Հայաստանի Հանրապետության կենտրոնական բանկի կողմից տեղեկատվության ստացում՝ էլեկտրոնային տարբերակով:
	<b>8.2 Գնահատման իրականացում</b>	-

<b>8.3</b> <b>Գործողությունների</b> <b>ծրագրի</b> <b>համաձայնեցում</b>	-
---	---